

Larrotxene
Kultur Etxea

20DK memoria
2024



LARROTXENE

Kultur Etxea

Pasa den urtean kultur etxean egindako berrikuntza-lanekin lotuta azpiegitura zein ekipamenduetan egin ziren inbertsioek hobekuntza handiak ekarri zituzten. Irisgarritasun-arazoak konpontzeaz gain, **Larrotxene Bideon** egindako teknologia berrien aldeko apustuak zerbitzuan lan ildo berriak aktibatzea ekarri zuen.

Larrotxene Bideoren ezaugarri aipagarriei dagokienez, profesional onenen eskutik jasotzen den prestakuntzari, jatorri, adin eta ibilbide anitzetako parte-hartzaileen elkarlan-komunitatea gehitu zitzaion. Eta, ondorioz, ikastaroen testuinguruan garatu

ziren proiektuei, aholku eta bide-laguntza bila zetozenenak gehitzen zitzaizkien, ikus-entzunezko sorkuntza alor ezberdinak lantzen duen komunitate zabal eta aberatsa sortuz.

Azken berrikuntza hauen ondoren, ohiko ikus-entzunezko formatuei (dokumentalak, film laburrak, etab.), publiko gazteengandik gertuago dauden bestelako teknologia eta lengoaietara gerturatzeko eginahala izan zen 2024 urteko ezaugarrietako bat.


Narrazio Digitalen Laborategia egitasmoan sare sozialek, multimedia kontakizunek, ekitaldien antolaketak edota animazioen inguruko kolaborazioek aurrera egiteko



Pausa, Cia niMú



Boli, bili, boli, Pantzart



Taller de bideo

elkarlanerako gunea aurkitu zuten. Izan ere, lagun talde bat astero bildu zen, animazioaren bilakaera ezagutu eta teknika ezberdinekin esperimentatuz, animaziozko film labur bat egiteko asmoarekin.

Larrotxene Kultur Etxeaaren ezaugarrietako bat ikus-entzunezko alorrean eskaintzen duen material eta aholkularitza zerbitzua da. Proiektuek jasotzen duten babes horren beharra eta balorazio ezin-hobea urteko material lagapen eta aholkularitza eskaeren datu igoeran islatu zen. Izan ere, 2024an, Larrotxene Bideoko lantaldeak 300 bisitatik gora jaso zituen, eta proiektuak aurrera eramateko materialen zein espazioen lagapenerako eskaerak ia %20ko igoera izan zuten; 67 eskaera jaso ziren guztira.

Ikasketa-eskaintzari dagokionez, berriz, inoiz baino eskaintza zabalagoa egin zen iaz, eta ikasle kopuruak ere gora egin zuten. Aurreko urtean bost ikastaro atera baziren, iaz hamar izatera igaro ziren. **Larrotxene Bideoko** ikus-entzunezko ezagutzen alor tekniko edo tradizionalagoa osatzen duen ohiko eskaintza mantendu zen, batetik: **Oskar Tejedorren** *Realización de documentales*; **Pablo Maloren** *Dirección de cine*; **Michel Gaztambideren** *Guión avanzado*; **Ander Sagardoyren** *Zinema ekoizpena*; **Unai Rosenderen** *Color Grading* ikastaroa edota **Pello Gutierrezen** *Argazki zuzendaritza* tailerrak.

Eta eskaintza horrekin batera, izaera sortzaileagoa duten bestelako formazio berriak eskaini dira aurretik: **Edorta Subijanaren** *Video-Mapping experimental* ikastaroa; **Maria Elorzaren** *Cine-Collage*; **Ander Iriarteren** *Zinema-ekinatzaila*; edota **Maidier Oleagaren** *Hiria miatu, postalak filmatu* ikastaroa.

Ikastaro hauen guztien kasuan, ikasitakoa proiektu ezberdinetan garatu edota lantzeko aukera izatea baloratu zuten gehien ikasleek. Izan ere, **Larrotxene Bideok** ikasleen eta proiektu ezberdinen arteko kolaborazio eta elkarlan aukera ugari eskaini zituen.

Urtean zehar landu ziren hamaika proiektu horietako batzuk film labur forma hartu zuten, eta nabarmenenak ekainean antolatzen den **Bideoaldian** aurkeztu ziren jendaurrean. Antzoki Zaharrea antolatzen den jarduera horrek XVI. ekitaldia egin zuen 2024an, eta urteroko uztaren emaitzarekin gozatzeko parada eman zuen. Era berean, **Zinemaldiaren** programazioaren barruan ere film hautaketa horretan oinarritutako proiektzioa antolatu zen, irailean.

Larrotxene Bideo bestelako egitasmo eta eragileekin elkarlanean aritu zen 2024an ere. **Beldurrezko eta Fantasiatzko** zinemaldiarekin garatutako **Oihua!** ekimena izan zen horietako bat. Egitasmo horren bidez, euskaraz garatutako beldur edota fantasia generoko gidoi onena hautatu eta gauzatzen lagundu zen, **Donostiako Sustapen** Sailaren babesarekin. Era berean, azken urteetako ildoari eutsiz, Musikenerekin sinatzen den lankidetzaz-hitzarmenaren barruan, goi mailako ikasgune horretako ikasleek hainbat film laburren soinu banda konposatu zuten; eta **Larrotxene Bideoko** ikasle talde batek, Musikenen astebetetz landu zuten **Igor Stravinskiren Udaberriaren Sagaratzea** lan enblematikoaren *making offa* egin zuen.

Beste alde batetik, eta auzoarekin elkarlanerako ildo estuagoa eraikitze asmoz, **IZBE** eta **Politki** elkarteekin eta **Lauazeta** ikastetxearekin elkarlanean, ikasturtean zehar garatuko zen **Intxaurdok** programa berriaren ekimen pilotua abiatu zen. DBH3 ikasturteko ikasleei zuzendutako ekimen honen bidez, ikasleak ikus-entzunezko tresnetan alfabetatzeaz gain, modu sortzailean auzoko memoria eta eragileekin harremanetan jartzeko dokumental pilulen sorkuntza-lanak bultzatu ziren. Adin honetako gazteentzat naturalak diren ikusizko kulturaren tresnetan oinarritutako egitasmo praktiko hau, epe luzean egonkortzeko asmoz jarri zen martxan, eta **Ekialdeko Barrutiaren** laguntza jaso zuen.

Baina ikus-entzunezkoen arloaz harago, auzoko eragileekiko elkarlanak jarraitu zuen izaten Kultur Etxearen ardatzetako bat. Urtez urte, gero eta gehiago dira eragileek aretoak erabiltzeko egiten dizkiguten eskaerak.

Intxaurrondo Kantuz ekimenak astelehen arratsaldero 60 lagun inguru elkartu zituen, Kultur Etxea kantuz betez.

Eta kultur programazioa kalera ateratzeko eginahal horretan, hainbat emanaldi izan ziren auzoko plazan: **Zirika Zirkusen** antzerki emanaldia edota **Nikotine** taldearen kontzertua, auzoko festen egitarauarekin bat eginez. Eta, ikasturtean zehar, formatu txikiko eskaintza egonkor mantendu zen hilean behin, askotariko proposamenak ekarriz: **Eriz magoaren** edo **Xixka** elkartearen magia ikuskizuna; **Teatro Firuleteren**, **Patata Tropikalaren** edo **Ostomila konpainiaren** txotxongilo proposamenak, edota **Eriz** eta **Ameztu** taldeen antzerki ikuskizunez gozatu ahal izan zen **Larrotxene Kultur Etxeako** areto nagusian.

Azkenik, liburutegiak, ohiko mailegu-zerbitzua mantentzeaz gain, adin txikikoei zuzendutako eskaintza bermatu zuen, bi astean behin **Liburu Baby Kluba** saioak antolatuz. Gainera, auzoko ikastetxeetako ikasleen bisitak jasotzen jarraitu zuen. Horrela, **The English School**, **Zurriola Ikastola** eta **Salesianos** ikastetxeetako ikasleek astean behin joan ziren liburutegira, irakurketarekin lotutako ekintzak burutzera.



Nikotine



Zirika Zirkus

JARDUERAK

8

Antzerkia (emanaldiak)
Erabiltzaileak: 648

0

Dantza (emanaldiak)
Erabiltzaileak: 0

2

Musika (kontzertuak)
Erabiltzaileak: 267

2

Zinema (emanaldiak)
Erabiltzaileak: 280

0

Hitzaldiak eta
mahai-inguruak
Erabiltzaileak: 0

0

Erakusketak
Erabiltzaileak: 0

19

Bilerak eta
elkarteen ekitaldiak
Erabiltzaileak: 448

81

Liburutegiko
jarduerak
Erabiltzaileak: 1.883

0

Plus 55
Erabiltzaileak: 0

0

Gaztelekua
Erabiltzaileak: 0

0

Haurtxokoa
Erabiltzaileak: 0

0

Bestelakoak
Erabiltzaileak: 0

Guztira
112
jarduera
3.526
erabiltzaile

ZERBITZUAK

6.001

bisitaldi
Liburutegia

0

bisitaldi
Ikasgela

0

bisitaldi
Gaztelekua

0

bisitaldi
Haurtxokoa

0

bisitaldi
KZgunea
(Nabigazioak)

0

bisitaldi
Altzako bilduma

0

bisitaldi
Altzako bilduma web

0

bisitaldi
DK Irratia web

0

bisitaldi
Ispilu beltza
magazine-podcasts

2.628

bisitaldi
Bideo tailerra

0

bisitaldi
Musikagela

0

bisitaldi
Musika Eskola

0

bisitaldi
Plus 55

Guztira
8.629
BISITALDI

PRESTAKUNTZA

Ikastaro-
eskaintza Osatutako
ikastaroak Erabiltzaileak Emakumeak Gizonak

GUZTIRA	31	30	446	299	147
2023-2024 IKASTAROAK	16	16	204	125	79
Ikasturte osokoak (2023ko urria - 2024ko maiatza)					
Egile-ikastaroak					
Euskaraz	0	0	0	0	0
Gaztelaniaz	0	0	0	0	0
Ikastaro orokorrak					
Euskaraz	4	4	53	40	13
Gaztelaniaz	2	2	31	26	5
Bigarren lauhilekoko ikastaroak (2024ko otsailean hasita)					
Egile-ikastaroak					
Euskaraz	3	3	33	12	21
Gaztelaniaz	4	4	55	25	30
Ikastaro orokorrak					
Euskaraz	1	1	10	5	5
Gaztelaniaz	2	2	22	17	5
2024-2025 IKASTAROAK	13	12	130	93	37
Ikasturte osokoak (2024ko urria-2025eko maiatza)					
Musikagela, Larrotxene Bideo, DK Irratia					
Euskaraz	1	0	0	0	0
Gaztelaniaz	0	0	0	0	0
Ikastaro orokorrak					
Euskaraz	3	3	39	29	10
Gaztelaniaz	2	2	31	28	3
Lehenengo lauhilekoko ikastaroak (2024ko urria-abendua)					
Musikagela, Larrotxene Bideo, DK Irratia					
Euskaraz	3	3	20	11	9
Gaztelaniaz	1	1	8	2	6
Ikastaro orokorrak					
Euskaraz	3	3	32	23	9
Gaztelaniaz	0	0	0	0	0
IKASTARO PUNTUALAK	2	2	112	81	31
Tailer, mintegi eta masterclassak					
Euskaraz	2	2	112	81	31
Gaztelaniaz	0	0	0	0	0
KZgunearen IKASTAROAK	0	0	0	0	0
BESTE ERAKUNDEAK KZgunean	0	0	0	0	0

KULTUR ETXERA egindako bisitak
Guztira 21.342